



Funded by the European Union



IZVJEŠTAJ O AKTIVNOSTIMA 2021. PROJEKT LINK ZA SARADNJU/SURADNJU



IZVJEŠTAJ O AKTIVNOSTIMA 2021. PROJEKT LINK ZA SARADNJU/SURADNJU

*“Jačanje lokalnog učešća i saradnje kroz partnerstvo
javnih vlasti i OCD-a u Bosni i Hercegovini”*

februar/veljača, 2022.

O NAMA

U svrhu kreiranja projekta [LINK za saradnju/suradnju](#), Agencija lokalne demokratije (LDA) iz Mostara zajedno s projektnim partnerima Agencijama lokalne demokratije iz Prijedora i Zavidovića, te Centrom za razvoj Hercegovine iz Trebinja, Evropskom asocijacijom za lokalnu demokratiju - ALDA i ALDA Skoplje, oformila je raznolik i komplementaran konzorcij kako bi se maksimalizirao utjecaj aktivnosti u svakoj njegovoj komponenti.

Agencije lokalne demokratije iz Bosne i Hercegovine i Centar za razvoj Hercegovine imaju zajedničke kontakte kroz dosadašnji rad u različitim sferama, od lokalnog razvoja, inicijativa lokalnih zajednica, aktivnosti povezanih s mladima i drugim grupama u civilnom društvu, kulturnih i mnogih drugih aktivnosti. Projekt je koncipiran na način da uvažava specifičnu stručnost svakog partnera konzorcijuma, fokusirajući se na promociju dobrog upravljanja na lokalnoj razini u Evropi i na Zapadnom Balkanu.

Agencije lokalne demokratije osnovane su na Zapadnom Balkanu na inicijativu Kongresa lokalnih i regionalnih vlasti Vijeća Evrope 1992. godine, kao program podrške jačanju lokalne demokratije, poticanju poštivanja ljudskih prava i daljnjem održivom razvoju. Danas postoji 15 aktivnih agencija lokalne demokratije sa sjedištem na Zapadnom Balkanu, Južnom Kavkazu i Sjevernoj Africi koje koordinira ALDA, te tri agencije – operativna partnera sa sjedištem u Hrvatskoj. Agencije funkcioniraju kao samoodržive, lokalno registrirane nevladine organizacije, ali se razlikuju od ostalih lokalnih NVO-a zbog međunarodnog okvira u kojem djeluju.

“LINK za saradnju/suradnju” trogodišnji je projekt financiran sredstvima [Evropske unije](#).

CILJ PROJEKTA

Opći cilj: Projekt teži jačanju kapaciteta organizacija civilnog društva koje se bave procesima javnog zagovaranja kako bi postale obučene i pouzdane partnere za kreiranje politika i reforme unutar BiH.

Specifični ciljevi:

- Stvoriti čvršće veze s građanima njihovim uključivanjem u proces javnih politika, dopiranjem do cijele društvene zajednice, uključujući marginalizovane grupe i lokalne zajednice podsticanjem građanskog aktivizma i učešća javnosti u kreiranju politika;
- Unaprijediti sposobnost, transparentnost i odgovornost lokalne samouprave;
- Povećati efektivnost OCD;
- Dosegnuti do Lokalne samouprave na način da ona omogući politike i procedure za građanske inicijative lokalnih organizacija;
- Kreirati mreže OCD-a za izgradnju koalicija radi povećanog utjecaja na kampanje i zagovaranje

VIZIJA PROJEKTA

- Projekt teži jačanju kapaciteta organizacija civilnog društva koje se bave procesima javnog zagovaranja kako bi postale obučene i pouzdane partnere za kreiranje politika i reforme unutar BiH.

AKTIVNOSTI U 2021. GODINI

Prva polovina godine

U januaru/siječnju 2021. godine, održan je prvi online sastanak projektnog tima kada je imenovan i Odbor za upravljanje projektom te je preliminarno predstavljen i plan aktivnosti uz stavljanje naglaska na organizacijske aspekte budućeg rada. Nakon sastanka potpisani su ugovori sa projektnim partnerima i izvršeni svi pripremni koraci za zvanični početak implementacije projekta. Na samom početku implementacije, projekat je promoviran i putem web platforme za podršku OCD-ovima EU Resurs.

U februaru/veljači održan je sastanak s donatorom. Delegacija Evropske unije u BiH organizovala je sastanak za sve korisnike sredstava odobrenih kroz isti poziv sa ciljem davanja osnovnih informacija i smjernica o načinu implementiranja projekta, a u skladu s EU pravilima i procedurama.

U aprilu/travnju, pokrenute su zvanične stranice na društvenim mrežama, Facebook i Instagram, putem kojih je promoviran projekt informiranjem javnosti o projektnim aktivnostima i ciljevima. Također, predstavljene su i partnerske organizacije, kao i 12 lokalnih samouprava, korisnica projekta.

U maju/svibnju, održan je drugi sastanak Odbora projektnog menadžmenta. Na sastanku je Agencija lokalne demokratije Mostar kao lider projekta predstavila sprovedene aktivnosti, te je Odbor usvojio i zvanični logo projekta. Također, radilo se na definiranju pripremljenog plana za monitoring i evaluaciju projekta.

Treći i četvrti sastanak Odbora za upravljanje projektom održani su 14. i 17. juna/lipnja. Ovi sastanci su primarno bili posvećeni organizaciji početne konferencije projekta, ali i detaljnijem definiranju Plana aktivnosti, budžeta i finansijskog izvještavanja, kao i komunikacijskog plana projekta. Također, detaljnije je predstavljen i ELoGE program Vijeća Evrope (Evropska oznaka izvrsnosti u upravljanju) i LAP (Program akademije liderstva), te naglašena važnost uspostave dobre saradnje sa uključenim lokalnim zajednicama od samog početka implementacije projekta.





Početna konferencija

Uz podršku Evropske unije, u Mostaru 18. juna/lipnja, 2021. godine održana je Početna konferencija projekta "Jačanje lokalnog učešća i saradnje kroz partnerstvo javnih vlasti i organizacija civilnog društva u Bosni i Hercegovini – LINK za saradnju/suradnju".

Na Početnoj konferenciji su prisustvovali gradonačelnici, načelnici i politički predstavnici i predstavnice Berkovića, Jablanice, Kostajnice, Maglaja, Mostara, Nevesinja, Novog Grada, Prijedora, Ravnog, Trebinja, Zavidovića i Žepča koji su izrazili spremnost da učestvuju u sprovođenju participativnih procesa kako bi zajedno identifikovali konkretne probleme zajednica i pronašli optimalna rješenja.



Povodom održavanja konferencije projekta i s obzirom na njenu specifičnost i važnost u kontekstu budućeg razvoja i rasta lokalnih zajednica g. Nicolas Bizel, šef Sekcije operacija za ravosuđe, unutarnje poslove i reformu javne uprave Delegacije Evropske unije u BiH, potvrdio je značaj jednog ovakvog projekta za građane i građanke i naglasio da: „Efikasna, kvalitetna, odgovorna i transparentna javna uprava je preduslov za ekonomski napredak i stabilnost. Samo skupa, u partnerstvu, možemo izgraditi visoko-kvalitetnu javnu upravu koja služi građanima i kontinuirano stvara uslove za društveno-ekonomski razvoj“.

Prisutnima na konferenciji, putem video linka, obratile su se i gđa. Bojana Urumova, šefica Ureda Vijeća Evrope u BiH, te gđa. Alina Tatarenko, šefica Centra za ekspertizu i dobru upravu Vijeća Evrope. Obje su posebno istakle značaj primjene principa ELoGE metodologije za dobro upravljanje, te da je ključno osigurati bolje javne usluge i rješenja.



Gđa. Dženana Dedić, direktorica Agencije lokalne demokratije iz Mostara posebno je istakla da samo zajedničko djelovanje aktivnih građana i građanki i transparentnih i odgovornih vlasti vode ka modernoj demokratskoj i prosperitetnoj zajednici ugodnog življenja te je pozvala i organizacije civilnog društva da se informišu o projektu.



Uvodni sastanci sa predstavnicima lokalnih samouprava

U prvoj polovini 2021. godine, projektni tim je organizirao uvodne sastanke sa predstavnicima 12 lokalnih samouprava, kako bi se uspostavila prisnija saradnja na lokalnom nivou kao preduslov daljeg dobrog djelovanja i kreiranja okruženja povoljnog za uključivanje građana u procese razvoja zajednice.

Tokom susreta sa predstavnicima lokalnih uprava Prijedora, Novog grada i Kostajnice, koji su organizovali predstavnici partnerske organizacije LDA Prijedor, uočena je izražena želja za saradnjom na projektu „Link za saradnju/suradnju“, koja je i potvrđena prisustvom zamjenika gradonačelnika Grada Prijedora Žarka Kovačevića i načelnika opština Novi Grad i Kostajnica, Miroslava Drljače i Nikole Janjetovića. U ovim lokalnim zajednicama primjetno je aktiviranje građana putem neformalnih grupa u procese rješavanja konkretnih problema s ciljem poboljšavanja uslova života u svojim sredinama, jer je zaključeno da se na taj način najbolje rješavaju konkretni problemi građana.



Projektni tim partnerske organizacije LDA Zavidovići se susreo sa predstavnicima općina sa područja Zeničko-dobojskog kantona - Zavidovići, Žepče i Maglaj. Tokom sastanka, predstavnici općina su istakli značajan aktivizam građana i organizacija civilnog društva koje se angažuju u procesima javnog zagovaranja i realizaciju različitih aktivnosti za poboljšanje uslova života u svojim zajednicama.




U projekat su uključeni i Opština Trebinje, koje ima razvijen nevladin sektor, te Općina Ravno i Opština Berkovići koje tek treba da rade na kreiranju povoljnijeg okruženja za razvoj civilnog društva. Grad Trebinje i Općina Ravno su dugogodišnji partneri "Centra za razvoj Hercegovine (CRH)" u implementaciji velikog broja projekata. S druge strane CRH koji će tokom realizacije projektnih aktivnosti direktno komunicirati sa ove tri lokalne zajednice, do sada nije intenzivnije sarađivao sa Opštinom Berkovići te se ova lokalna zajednica nametnula kao izazov kako za procese koji će se odvijati kroz ovaj projekat tako i za izgradnju čvršćeg partnerstva između nosioca vlasti i civilnog sektora generalno.



Sa juga zemlje, u projekat su uključeni Grad Mostar, te Općina Jablanica i Opština Nevesinje, gdje projektnim aktivnostima koordinira Agencija lokalne demokratije Mostar.

Jedan projekt kao što je "LINK za saradnju/suradnu" sa svim svojim aktivnostima je posebno bitan za Grad Mostar, jer dolazi u vrijeme kada je ovaj Grad dobio lokalnu vlast na izborima održanim u decembru/prosincu, 2020. godine, nakon punih 12 godina od održavanja posljednjih lokalnih izbora. Tokom sastanka u Mostaru, LDA je istakla da iskreno vjeruje da će projekt "Link za saradnju/suradnu" bitno doprinijeti kvaliteti usluga koje lokalne vlasti pružaju svojim građanima, te aktivnom učešću građana u svim procesima bitnim za Grad Mostar. Tim Agencije lokalne demokratije Mostar je iskoristio upravo ovaj projekt kao priliku za prvi susret sa novim gradonačelnikom Grada Mostara održanim u Gradskoj vijećnici 19. marta/ožujka, 2021. godine. Na ovom sastanku gradonačelnik Mario Kordić je iskazao spremnost na saradnju i dao svoju punu podršku njegovoj realizaciji.



Predstavnici Agencije lokalne demokratije Mostar na sastanku su predstavili su projekt "LINK za saradnju/suradnju" i u uredu gradonačelnika Općine Jablanica, održanom 9. juna/lipnja, 2021. godine. Gradonačelnik je na sastanku iskazao veliko zadovoljstvo što će Općina Jablanica biti dio ovoga projekta, te obećao dati svoj doprinos u kvalitetnoj realizaciji svih projektnih aktivnosti, što je pokazao kako svojim učešćem na početnoj konferenciji projekta, tako i na drugim aktivnostima koje su usmjerene na izgradnju lokalne zajednice i dobrih odnosa između lokalnih vlasti i civilnog društva.

U kontaktu sa predstavnicima Opštine Nevesinje, također obje strane su istakle da se raduju nastavku tradicionalno dobre saradnje, te je data puna podrška u realizaciji svih aktivnosti projekta "LINK za saradnju/suradnju".

Druga polovina godine

U augustu/kolovozu, kao prethodnica predstavljanja zvanične web stranice projekta, objavljen je [projektни letak](#) sa osnovnim informacijama o projektu.

6 partnerih organizacija radi na jačanju saradnje/suradnje između općina, gradova i lokalnih organizacija civilnog društva (NGO-ova) u BiH

12 općina/opština i gradova u BiH učestvuju/sudjeluju u procesu saradnje i suradnje u svojim utjecajima

20 lokalnih zajednica ostvaruje sposobnost poboljšavanja svojih usluga u svakoj od općina/opština

40 lokalnih NGO-ova doprinosi kapacitetima za primjenu problema u zajednici/komunitarni participativne metode u lokalnim i globalnim pitanjima

Zadatak nam je...

- Omogućiti stvaranje novih partnerstava
 - Potaknuti umrežavanje
- Izgraditi nove i ojačati postojeće kapacitete
 - Educirati proširiti znanja
- Objaviti građanstvo i lokalne vlasti
 - Osnajiti organizacije civilnog društva
- Potaknuti direktno učešće građana u procesu odlučivanja u lokalnoj zajednici, odnosno razvoj participativne demokratije/demokracije tokom implementacije projekta od 01.01.2021. do 31.12.2023. godine.

KONTAKT:
 Fra Ambre Miletića 30, 88000 Mostar, BIH ☎ +387363333830
 info@link4cooperation.ba
 link4cooperation.ba

PARTNERS:
 ERICA, ALDA, CIVILNA AGENCIJA ZA LOKALNU DEMOKRACIJU U BOSNI I HERCEGOVINI

Funded by the European Union

LINK4 COOPERATION PROJECT


LINK4 COOPERATION PROJECT

Na Međunarodni dan demokratije, 15. septembra/rujna, premijerno je predstavljena web platforma projekta na poveznici <https://www.link4cooperation.ba/>, finansirana sredstvima Evropske unije, a čiji sadržaj promovira suštinu demokratije na lokalnom nivou, upravo ondje gdje počinju sve promjene. Web platforma referentna je tačka za sve informacije vezane za projekt i njegove aktivnosti, te kontinuirano promovira ciljeve projekta i njegovih korisnika.


Trening za trenere za primjenu metodologije ELoGE programa Vijeća Evrope

Sredinom septembra/rujna, predstavnice lider partnera LDA Mostar, održale su pripremni sastanak s trenerima programa ELoGE Vijeća Evrope (Evropska oznaka izvrsnosti u upravljanju).


Prvi online trening za trenere za primjenu metodologije Vijeća Evrope pod nazivom ELoGE – Evropska oznaka izvrsnosti u upravljanju održan je 13. oktobra/listopada, a na kojem je sudjelovalo šesnaest predstavnika partnerskih organizacija projekta. To je bio prvi u nizu treninga koji će predstavnike partnerskih organizacija osposobiti za implementaciju ELoGE metodologije u Bosni i Hercegovini, koja se bazira na procjeni 12 principa dobre lokalne uprave, te će u sklopu projekta biti provedena u 12 lokalnih samouprava obuhvaćenih projektom. Tokom treninga su date osnovne informacije o metodologiji, procesu realizacije, te o važnosti osnovnih principa dobre lokalne uprave.



Drugi online trening za primjenu metodologije programa Vijeća Evrope – ELoGE – Evropska oznaka izvrsnosti u upravljanju održan je 27. oktobra/listopada. Šesnaest predstavnika partnerskih organizacija projekta je u prethodnom periodu intenzivno radilo na pripremi plana sa konkretnim koracima za realizaciju ELoGE metodologije u 12 lokalnih samopurava. Plan je detaljno prezentiran i adaptiran u saradnji sa trenerima, te su planirani naredni koraci obuke i pripreme za realizaciju na terenu.



Treća sesija online treninga za trenere za primjenu metodologije programa Vijeća Europe – ELoGE – Evropska oznaka izvrsnosti u upravljanju održana je 2. decembra/prosinca. Radilo se na prevodu i adaptaciji “Standarda dobrog upravljanja” i upitnika namjenjenih za lokalne vlasti i civilno društvo koji će biti korišteni tokom implementacije u fazi prikupljanja informacija i same procjene, kako bi maksimalno bili prilagođeni lokalnom kontekstu i konkretnom stanju i potrebama.



Četvrti i ujedno posljednji online trening za trenere za primjenu metodologije programa “ELoGE – Evropska oznaka izvrsnosti u upravljanju” Vijeća Europe, održan je 23. decembra/prosinca.

Obuku za trenere prema ELoGE metodologiji održali su vanjski stručnjaci delegirani od Vijeća Evrope, a sudioncima obuke bit će uručen i Certifikat trenera za ELoGE program. Dvanest principa dobrog demokratskog upravljanja obuhvata pitanja kao što su sudjelovanje, zastupanje i pošteno provođenje izbora, reaktivnost – blagovremena i adekvatna reakcija, efikasnost i djelotvornost, otvorenost i transparentnost, vladavina prava, etičko ponašanje, kompetentnost i kapaciteti, inovacije i otvorenost za promjene, održivost i dugoročna orijentacija, dobro financijsko upravljanje, ljudska prava, kulturna različitost i društvena kohezija i odgovornost. Za svako načelo postoji razrađena metoda, sa specifičnim mjerilima i pokazateljima, koji omogućuju procjenu učinka na objektivian i participativan način.

Stručnjaci Centra za ekspertizu Vijeća Evrope će biti na raspolaganju ELoGE trenerima sa savjetima i podrškom tokom implementacije cjelokupnog procesa u 12 lokalnih samouprava u Bosni i Hercegovini.

U periodima između navedenih online sesija sa edukatorima Vijeća Evrope, učesnici/e su kao sastavni dio obuke održali ukupno 7 online radionica s ciljem pripreme i usavršavanja potrebnih vještina i alata.

Eksterna promocija projekta *Global Exchange on Religion in Society (GERIS)*

11. oktobra/listopada, predstavnice Agencije lokalne demokratije u Mostaru su u Sarajevu na poziv Evropske unije u Bosni i Hercegovini, a u okviru projekta Global Exchange on Religion in Society (GERIS), imale priliku predstaviti organizaciju i projekte koje implementira, s posebnim osvrtom na projekt LINK za saradnju/suradnju. Na skupu su prisustvovali predstavnici brojnih partnerskih organizacija/institucija koje surađuju na projektu GERIS, a dolaze iz zemalja Azije, Afrike, Australije, Evrope, te Sjeverne i Južne Amerike.

Projekat GERIS, dvogodišnji je projekt finansiran sredstvima EU, a bavi se pitanjem umrežavanja, izgradnje društvenih kapaciteta i angažmana na društvenim medijima. Cilj projekta je doprinijeti društvenoj uključenosti i društvenoj otpornosti postavljanjem globalne inicijative razmjene na bazi zajednice, što je bila idealna prilika i za promociju ovog projekta.



Akademija društvene participacije

Kao dodana vrijednost projektu "LINK za saradnju/suradnju", a izvan okvira redovnih projektnih aktivnosti, predstavnici projektnog konzorcija su zajedno s predstavnicima Grada Prijedora, te Općina Novi Grad, Kostanjica i Maglaj, prošli trodnevni trening u organizaciji Vijeća Evrope pod nazivom "Akademija društvene participacije", koji je održan od 17.-19. novembra/studenog, 2021. godine u Sarajevu.

Akademija je realizirana u suradnji s našim projektnim partnerom, Evropskom asocijacijom za lokalnu demokratiju – ALDA, a promovira standarde društvene participacije Vijeća Evrope i informira o ključnim konceptima i alatima participativne demokratije, paralelno s osnaživanjem interakcije između lokalnih vlasti i organizacija civilnog društva u Bosni i Hercegovini.



Cilj Akademije je bio podizanje svijest o dijalogu s građanima i donosiocima odluka, nudeći prijedloge i uputstva o tome kako postići efikasniji građanski angažman tijekom procesa donošenja političkih odluka.

U kontekstu projekta "LINK za saradnju/suradnju", Akademija je korisnicima projekta (primarno predstavnicima lokalnih samouprava), omogućila poboljšano razumijevanje koncepta participativne demokratije, te prenijela znanja i vještine za prevladavanje participativnih izazova na lokalnoj razini. Kroz edukaciju je potaknuto jačanje međusobnog razumijevanja i suradnje između OCD-a i lokalnih javnih službenika, kao i stvaranje platforme za razmjenu i umrežavanje.

Pronađite Izvještaj Vijeća Evrope o Akademiji društvene participacije na sljedećem [LINKU](#).

Prvi e-bilten

[Prvi polugodišnji e-bilten](#) projekta "LINK za saradnju/suradnju", objavljen je 26. oktobra/listopada, a javnost je detaljnije upoznao s projektom i projektnim aktivnostima provedenim u prethodnom razdoblju, te je poslan na 500 adresa uključujući korisnike i dionike projekta.

E-bilten također je objavljen i na [engleskom jeziku](#) 2. novembra/studenog, a poslan na 100 adresa korisnika i dionika projekta.



Funded by
the European Union



LINK 4 Cooperation

**"Strengthening local participation and cooperation
through partnership of Public Authorities and CSOs in
Bosnia and Herzegovina- LINK 4 Cooperation"**



CENTAR
ZA RAZVOJ
HERCEGOVINE



CENTER FOR
DEVELOPMENT
OF HERCEGOVINA



Zvanični sastanci sa predstavnicima lokalnih samouprava

U sklopu projekta, zakazan je niz sastanaka sa predstavnicima lokalnih samouprava. Održani sastanci bili su informativnog karaktera te su se prevashodno referirali na edukaciju o ELoGE programu Vijeća Evrope, Akademiji za lidere (LAP), te na konkretne aktivnosti koje će uslijediti tokom naredne godine, a intenzivno će uključivati predstavnike lokalnih samouprava. Pored toga govorilo se i o ostalim bitnim segmentima projekta poput uključivanja civilnog društva koristeći web platformu kao i "grant" šemi za civilni sektor, načinima za unapređenje saradnje svih učesnika u projektu, kao i o zajedničkoj promociji na društvenim mrežama i projektnom portalu. Također, bilo je riječi o narednim koracima i konkretnim aktivnostima lokalnih zajednica u okviru projekta "LINK za saradnju/suradnju".

Predstavnici LDA Prijedor, partnerske organizacije na projektu "LINK za saradnju/suradnju", boravili su 26. i 28. oktobra/listopada u posjeti trima lokalnim samoupravama. Radi se o opštinama Novi Grad i Kostajnica, kao i Gradskoj administraciji Grada Prijedora, koje su tri od 12 lokalnih samouprava obuhvaćenih projektom. Posjeta je bila nezvaničnog karaktera i bila je uvod u zvaničnu posjetu predstavnika koordinatora projekta, LDA Mostar, koja se realizovala 5. novembra/studenog, 2021. godine.



U posjeti općinama Zavidovići, Maglaj i Žepče, 10. i 11. novembra/studenog, boravili su predstavnici koordinatora projekta, Agencije lokalne demokratije Mostar i predstavnici partnerske organizacije, Agencije lokalne demokratije Zavidovići.



U posjetu Gradu Trebinju, 24. novembra/studenog, boravile su predstavnice koordinatora projekta, Agencije lokalne demokratije Mostar i predstavnik partnerske organizacije, Centar za razvoj Hercegovine – CRH Trebinje.



U Berkovićima i Nevesinju, 29. novembra/studenog, održani su sastanci sa rukovodstvima ovih opština kako bi se usaglasili naredni koraci u procesu sprovođenja projekta. Također, na ovaj datum počela je i dvomjesečna online kampanja na društvenim mrežama kojom je promovirano 12 principa dobrog demokratskog upravljanja.



Dana 16. decembra/prosinca, održan je sastanak projektnog tima sa predstavnicima Općine Ravno.



Sastanak s predstavnicima Grada Mostara je održan 28. decembra/prosinca. Na sastanku su predstavljene dosadašnje aktivnosti projekta kao i one koje tek slijede s fokusom na Evropsku oznaku izvrsnosti u upravljanju – ELoGE i Akademiju za lidere – LAP, te „grant“ šemu za civilni sektor u projektnom području.



Predstavinci lokalnih samouprava uključenih u projekt imenovali su i koordinatori/ce projekta "LINK za saradnju/suradnju" kao i ELoGE timove koji će raditi na procjeni 12 principa dobrog demokratskog upravljanja po metodologiji Vijeća Europe uz vodstov ELoGE stručnjaka.

Peti sastanak Odbora za upravljanje projektom održan je 28. decembra/prosinca. Na sastanku se radilo na definiranju godišnjeg izvještaja aktivnosti projekta i drugog e-biltena koji će prezentirati aktivnosti realizirane u drugoj polovini prve godine implementacije projekta. Također, planirana je priprema prvog periodičnog narativnog i finansijskog izvještaja, te je prezentiran plan aktivnosti za 2022. ,drugu, godinu implentacije projekta. Definiran je plan komunikacije i kampanje, te su izloženi preliminarni planovi za prvi Forum koji se planira održati u Zavidovićima, krajem feburara/veljače 2022. godine.

Redovna komunikacija i diseminacija u skladu sa usvojenom Komunikacijskom strategijom i Komunikacijskim planom, implementirana je putem zvanične web platforme projekta i online alata.

Za više informacija pratite nas na službenoj [web platformi](#) projekta, kao i na službenim stranicama socijalnih mreža, [FB](#) i [Instagram](#).



Funded by
the European Union

Ovaj izvještaj o aktivnostima je nastao je uz finansijsku podršku Evropske unije. Sadržaj izvještaja je isključiva odgovornost Agencije lokalne demokratije Mostar i ne odražava nužno stavove Evropske unije.